



M
S. 920^{3a} 4^o 2


9
2

G. q. 106. a.

MONUMENTVM
 AMICITIAE,
 QVOD
 JUUENI ORNATISSIMO,
 AUGUSTO ANDREÆ
 MATHISSONIO,
 OPTIMAE SPEI ADOLESCENTI,
 CVM
 D. XV. CALEND. SEPTEMBR. A. P. C. N. c1b1cccXXXXVIII.
 E VIVIS EXCEDERET,
 PONERE DEBVERVNT
 PRIMI ORDINIS LATINI CIUES
 IN PAEDAGOGIO BERGENSI.

MAGDEBVRGI,
 TYPIS GABRIELIS Gotthilf FABRI, PRIVIL. TYPOGR.





† † †
 Siccine AMICE, cadis? tristes tibi solvere honores

Fata iubent, funusque TVVM decorare cupressō.

O lacrumis ter digne piis! (has moesta querelas

Bergā refert, ululansque quatit sua pectora pugnīs)

O lacrumis ter digne piis! cur flore iuuentae

Spemque mihi, vitamque TIBI mors liuida tollit,

Ut viridi in prato rosa, purpureusve hyacinthus

Falce cadit, vitamque tremens exhalat odoram?

O nimium merito TE plorant moenia Bergae!

Qualis eras? Qualis de TE nos pauit inane

Spes fallax? ast vota Deus pia sparsit in auras.

O quoties vidit TE Aurora incumbere ad artes,
Peruigemque vagos studiis expellere somnos!
Non tamen, ut fœuit, potuit TE fallere Musa,
Ventoque expletum remouere a fonte salutis.
Namque recusantem tandem diuinus amantis
Vicit amor Christi, & multo cum traxit amore,
Adque crucem flexit! Quoties ad vulnera tecum
Melliflua admoti dulcem hausimus inde cruorem!
Non equidem sine labe TIBI TUA vita fluebat;
Mundi exofus amor turbabat sæpe quietem,
Hostis carne latens sæpe adfectare coronam
Cœpit & antiquas renouare vaferrimus artes;
Viribus ast agni & diuino sanguine victus
Terga dedit constansque fides certamine creuit.
Iam vero astra petens vitreum conscendis Olympum,
Perruptisque animus vinculis sine carcere surgit.
Qualis ad alniferas Mæandri fluminis oras
Cycnus Tyro fecat trepidis pictum aëra pennis;
Haurit non solitas oculis & pectore flammæ,
Sub pedibusque stupet pontum nubesque volantes:
Talis iam elatus speratas pergis ad arces
Mirarisque nouas sedes & iudicis ora.
Quo me Musa rapis? quæ lux circum ora coruscat?
Quos ego conspicio? quibus illi vestibibus adsunt?
Quos sese ore ferunt? hem! quanta in luce refulgent!
Pars citharis resonare docet cœlestibus auras;
Pars voce obloquitur numeris, & guttura crispat;
Stant vicina modis stupefacta sonantibus astra,
Jamque videt superantem æthras seraphinica turba

Speratum semper ciuem, gaudetque videndo.
Quanta ipsis placidum suffundunt gaudia pectus!
Ter saluere iubent ac umbris undique cinctum
Ad regis folium sponsi comitantur ovantes.
Felix umbra mihi! non amplius acta procellis
Aeterna degis non nubila secla quiete!
Lactea TE vestis, late sua lumina spargens
Exornat, laurusque nitens & purpura Christi.
Vtere, CHARE, bonis, quæ morte paravit Jësus,
Qui nobis sortem cunctis concedat eandem.
Jamque vale extremum, lacrumis dignissime nostris:
TV fugis, ast animo nobis TVA viuet imago.



78 M 350

ULB Halle 3
001 592 122




56.

Recht V





48



VMENTVM
 MICITIAE,
 QVOD
 I ORNATISSIMO,
 TO ANDREÆ
 HISSONIO,
 SPEI ADOLESCENTI,
 CVM
 TEMBR. A. P. C. N. cIdIcccXXXXVIII.
 IS EXCEDERET,
 IERE DEBVERVNT
 DINIS LATINI CIUES
 DAGOGIO BERGENSI.
 MAGDEBVRGI,
 S Gotthilf FABRI, PRIVIL. TYPOGR.